

漑

堂

詩

集

溉堂續集序

三原孫豹人先生以詩文名天下垂三十年予得見溉堂初集古詩非漢魏律非盛中唐則不作作則必有古人爲之先驅至其所以似古人者漸濡間殆若丹鳥之藏物初非出於依傍而後有已酉八月予客南州豹人別且八年忽自楚中至其顏渥丹其髭髯潔白如雪相見執手勞問既出其溉堂續集示予予袖而藏之與之過故人陳伯璣湖亭談伯璣吾南州之以詩文名者也設尊酒相款曲予之言曰學古人之文者縱不得抗衡古人亦當爲其子孫不當爲奴婢譬如豪僕失主人則偃偃無所之子孫雖歷世久必有真肖其祖父之處豹

人曰學古人詩既當知古人祖父又當知其子孫知祖  
父則我可與古人並爲兄弟然不知子孫則不識其流  
弊所主道德流爲刑名荀卿一傳而有李斯知此然後  
學之善不善有以自考伯璣既聞而皆是之而予又嘗  
謂善學者必日進而不已然諸有所極則不可以復進  
而不已者無進境而有變境也天之雨非有進於晴也  
然今日晴而明日雨則人樂其日新而不窮於是談既  
倦主客薄醉山雨欲東來予歸客館雨大下燒燭發袖  
中詩讀之乃喟然而嘆曰甚矣豹人之能變也今其詩  
自宋以下則皆有之矣銜口而出搖筆而書磅礴與衍  
不可窺測然豹人年五十浮客揚州若妻妾子女奴婢

之待主人開口而食者且三百指世既不重文字身又不能力耕田以自養長年刺促乞食於江湖傷逝悲來較甚往昔故其詩別有所以爲上者而豹人亦不自知也予將歸山中豹人命爲之序適予有寒疾行且別去不知何日復相與論文于是力疾書贊之伯璣以貽豹人伯璣爲我語豹人善自愛吾船乘北風便發不復到石亭寺見孫先生也

寧都易堂同學弟魏禧撰

送孫豹人舍人歸揚州序

關中孫豹人先生召試博學宏辭被放將歸復有  
內閣中書舍人之命同薦諸人奇其遇高其志行屬  
施子爲贈序施子曰士不克訓於富貴不阻於貧  
賤雖有蒲輪之徵不改懸車之素可謂皜然無忝處  
士者也豹人北首入都初迫於有司居既久諸待試  
闕下者多務研鍊爲詞賦豹人獨汎覽他書問語客  
曰吾僑居廣陵數十日饗殽待我使我官京師不令  
舉家餓死乎已入試不中良喜遂東書南歸

聖天子詔朕諸布衣處士有文學素著老不任職事者  
其授京銜以寵其行於是及格者八人豹人與焉初

擬司經局正字

天子薄其官遂與杜君飛傅君山等同授內閣中書舍人是時杜年八十四傅七十三皆未與試先歸矣部議官不及而

中旨特授蓋異數也時論以放還處士膺舍人清秩恩禮甚厚而豹人茫騰踴躍自若其將以年授官也吏部集驗於庭獨臥不往旋被敦促乃徐入逡巡主爵者望見其鬚眉皆白引之使前曰君老矣豹人直對曰未也我年四十時卽若此且我前以老求免試公必以爲壯今我不欲以老得官公又以爲老何也衆皆目笑其愚然卒以老官之益非崇儒敬齒無以昭

朝廷之恩非引分固窮無以見岩穴之志今處不  
隱不仕之間身貧賤而拜官於朝名富貴而遜跡於  
野豈不稱稽古有餘榮哉豹人今年亦已六十矣而  
掉頭抗辭朕今人又何如也其詩操秦聲出入杜韓  
蘇陸諸家不務雕飾吏部趙公玉峰旣爲刻其書余  
獨敘其語以送之後之稱是官者其知所由重矣

宛陵年春弟施閏章拜撰

溉堂續集目錄

卷之一

華山畿樂府

六首

贈王幼華

詩五首

題王西樵

考

功桐陰下

讀書圖

程崑崙別駕生日賦詩爲

壽

壽郝羽吉

母沈太孺人

觀驟風雨喜懼

并集而作

蚊嘆

客中苦熱

寄懷吳賓賢

爲周子維

缺舛解嘲

寄懷任淑源

叔定季川韓

醉白陪丘曙

戒太史汎舟

城西遊諸

園林過紅橋

觀荷晚登平

山堂時河水

大漲分韻

得山色有無

中

贈張孝升大司馬

行

京口遇方爾止

呂生招飲城南酒家同

渡江

一



方爾止陳延喜揚襟海 磨筭山下酒家同方爾

止談長益陳其年何雍南程千一 小飲作歌 贈

周建西 程崑崙招飲城南園林同龔山長益許

士雍南千一 憶兒行贈韓叔夜 贈周翁鏡夫

題莊孝廉傳後 道院乳燕 道院看牡丹

次贈周建西韻賀令姪子常生第三子曾子常見

借歐陽全集 雨中鴈 登妙高堂 寄懷家無

言吳爾世 對小栢樹有感 淮陽行贈汪舟次

送張哲之先生還里 西湖三舟圖王西樵司

助鶴題瓶呈宋荔裳觀察楊執玉太常 送汪舟

次韻書攝山 陪湖州守吳蘭次遊竹林寺歸飲

鶴林寺同談長益方爾止吳仁趾 飲米元章墓

樹下同長益爾止仁趾 張牧公特渡江別余歸

里二首 初秋同家無言查二聯陪王西樵考功出

郭納涼放船至法海寺遇雨不得登平山二首陪

諸公宴集郭北園林分韻得西字長字 秋興八

首次王雪洲太史韻 朱荔裳觀察王西樵司勳

招同程穆倩宗定九沈方鄭泛舟紅橋遇大風起

移飲程園分韻二首 新歲寄懷王季鴻遊浙中

送吳蘭次守湖州二首 湖州守吳蘭次招同諸子

雨中泛舟平山下二首 贈羅公倬 同方爾止吳

仁趾陪吳蘭次登多景樓時蘭次赴湖州任二首

飲城南酒家同談長益方爾止張季昭何雍南程  
干一 清明日同方爾止陳其年飲程昆崙署中

輓何西谷 黃鵠山懷古 寄五兄大宗 三首

題程飛濤小像 三首 寓京口城隍廟作 江上送

陳其年之雉臯爲題九青小史像 三首 重遊澗州

紀感 九首 聞城頭吹海螺聲感賦 題龔山詩卷

首 賒書 從招隱山至八公巖過僧舍留題二

絕同方爾止王幼華 遊焦山同爾止幼華 五首

焦孝然 郭景純 題郭景純墓 三首 杜鵑樓

雍南干一邀過茶舍題二絕於壁上 贈術士

爲周星公翰林題像 三首 題錢虞山先生與爾止

手書卷後

三首

雍南干一邀飲西郊酒家送牧公

歸臨洮

四首

潤州緝節枝歌

七首

送方爾止還白

下二首

列傳詩

六首

贈李滄葦侍御

首

陪李滄

華侍御同令弟希韓過長生庵尋浴室項李三友

亦至因具述其先人捨宅事賦二詩紀之喜得

與王豐垣爲隣次淵明移居二首韻往屯留依

家兄大宗道中作五兄署中送侄佳庚歸里

卷之二

王西樵司勳久客江都遙聞歸裝蕭然寄此詩

留別季希韓同令兄滄葦侍御二首爲吳賓賢題

行路圖

除夕和東坡韻

三首

餽歲

別歲

守

歲除夕懷五兄大宗次東坡韻 題蘇母續課

圖兼呈令子雨蒼 移居懷遠坊喜與汪叔定季

月愛園相近 雨夜同戴應商季希韓李三友王

子晉集季滄葦侍御齋中明日予歸廣陵各分韻

贈別因盡和之予得勞字 和應商賢字 和希

韓魚字 和滄葦爲字 和三友鄉字 和子晉

神字 送汪舟次遊廬山兼寄施尙白少叅 四首

爲別盛際耳輦作 賦得東清雨今足呈潞安司

理李吉六 二首 竹 蘭 葵 菜 萬開來憲副

招飲園林留贈 三首 節孝婦李氏 發屯留留別

家兄大宗 包家集宿舊店 抵家內子爲余置

酒洗塵喜贈此詩 屯留歸後始還懷遠坊宅價  
有作 送李武曾之雲中 看阿宜戲諸姊前有  
感 署中銷夏作呈五兄大宗 讀季長吉詩  
首 屯留問雁 中秋憶閨人 題季端木小像  
言 午日榮澤渡黃河 九日對五兄憶存亡弟兄  
大風雪晚投村店 喜遇楊吉公 三首 送吉公  
西歸 首 潘安仁 王懷祖 賀賢自號野人舟  
次自號恥人希韓戲予曰君詩便可合刻當名三  
人集予笑而荅之 孫安國 自閏丁未一年詩  
有懷爾止 勝音上人持張虞山書見訪兼示與  
淮上諸子唱和詩 沈姬染疾憂且憐之而形于

篇 春夜宴汪季月愛園分韻得晨字 和陶止

酒詩韻東吳爾世 贈楊紉芷兼呈令弟蘭佩時

紉芷六十初度 三首 贈仁趾移居 贈馬羊山

壽汪寬巖母王太夫人 三首 吳野人歸東陶爲其

子娶婦履月不來江都戲寄此詩 題程伯建滇

南詩 贈豐城房明府興公 新居早春 對第

六女阿宜作 送問旭上人赴曹顧庵學士約同

遊湖東 二首 賦得梅花送吳賓賢歸東陶 送汪

長玉夜入真州 九日同曹顧庵學士程穆倩汪

長玉賈巖三韓吳仁趾諸子集家無輝寺寓用重

陽登高爲韻 四首 病 二首 除夕 送亦退赴泉州

幕府 得爾止書 郭門外春望 幼孫董兒讀

書戲成一絕相嘲 烹茶雪水已盡因憶吳實賢

二首 茉莉曲 二首 汪季用生日 二首 宗定九邀

同韓醉白飲紅橋酒家各賦四絕 戲示九歲孫

董兒 王仔園招飲齋中賞菊 沈兒解嘲 過

小孤山舟中閱史書 遙望彭澤縣 二首 鄱陽湖

作 鄱陽湖夜泊 大風雨望廬山不見 易明

府署中偶有白鷺來集于柯招之輒下因以來鷺

名軒徵詩及余口占三絕應之 病 病中答房

發公 簡房與公明府 寺寓苦寒 論詩 劍

池有感 君子行 二首 少年行 君馬黃 長相



思 前有尊酒行 房與公明府令弟發公生日

黃鶴樓紀感 插秧 水車謠 自豐城抵潛

江與王幼華明府相見 一首 五十初度呈王幼華

明府 一首 憶昔篇寄示燕穀儀 子 寓樓雜詩

一首 王幼華明府署中送令弟竺來歸里應試

宋偉臣招同劉聲玉幹有莫大岸侯編柳堂偉臣

令子含暉聲玉令子震區俱在明日偉臣次子寓

樓雜詩八首韻見示予亦仍前韻奉酬 哭吳後

莊 一首 戲贈莫大岸 客家人遠問 題陳侯祠

呈莫翁龍峰 一首 苦熱行旅呈王幼華明府 斲

蛇 九江舍舟登岸行廬山道中作用王介甫舟

中望九華山韻句如其數

卷之三

南昌遇施尚白少參示就亭唱和詩一卷臨行作  
就亭歌奉別 彭謠歌 留別稚淑子郡司馬  
次韻答莫大芹兄嘲 題王幼華明府所藏錢貢  
鍾馗嫁妹圖 勉段生孫生 夏日坐郭長仲水  
邊梅花亭長歌 陳元水舉第四子爲作玫瑰花  
歌 陸止敬進士頗有閒居之樂名其園曰小雲  
間索賦 借鹽 送稚淑子孫武昌郡司馬遷杭  
郡太守 十六夜同李伯偉陸止敬王禹六陪房  
興公明府飲陳元水宅時予偶患消渴 次韻酬

李伯偉來詩 重訪李太虛宗伯於南昌留飲閨  
園時宗伯年八十有五矣 潛江四月絕無櫻桃  
上市 懷吳野人 雨中聞水漲遣悶有作 漢  
水 五日寓樓 夏日宴集郭長仲園林分韻得  
江字入字 宴集李嗣遠東園分韻得幃字侵字  
訊陳元水病 李伯偉村居見懷有作且云  
以至日修祀事未得入城次韻答之 雨中大水  
決堤聞王幼華明府奔走堤上憂勞已甚詩用相  
寬 春日病起得家書詩用志喜 病中憶內子  
及沈姬 漢口送回遊王禹六魏晉卿石子充歸  
里數日後余便往潛江 贈吳光其 憐詩大水

後作 王幼華明府 劉聲玉朱偉臣 莫大岸

朱含暉 自憐 思歸 自燕和婁公韻 老

馬和婁公韻 留別王幼華明府 九日入城飲

周伯衡觀察寓齋留宿明日有詩見贈用韻答謝

一首登滕王閣 張扶長招同陳元水羅石我飲

齋中時扶長將上公車 贈魏生 哭方爾止四

首所見 感夢 雪中簡房明府 舟中遇寒食

望家書不到 王幼華明府出同人舊題五子

論文圖示予因再有此作 朱含暉工作古詩家

僮能爲抄寫喜而有贈 復雨 莫大岸示村居

效皮陸雜體勉和二首 答莫大岸見贈絕句仍効

前體 呈贈莫大岸效前體敬述歸田之樂以美

之 留別朱公祠 楊餘林陶雲時謫新建縣丞

二首 寺寓雪夜對故鄉人 歸舟經過采石因憶

樊若水事 老屋 二首 遣懷 房明府五十 流

民船和吳賓賢 三首 王天葉示製棺自贈詩辭索

余和篇 妻叔石仲昭先生六十初度爲九月一

日於六月中尙有豫章之行作二詩奉贈 大吏

擬王介甫古詩 兩馬齒俱壯 黃菊有至性

少狂喜文章 天下不用車 今日非昨日

悲哉孔子沒 秋日在梧桐 日出堂上飲 讀

王介甫禿山詩有感 哭李岸翁叔則 四首 寄題

康山兼懷張樾恭 懷汪舟次 述夢 聞方爾  
止死後降卦有詩紀異偶成 寄懷王幼華明府  
自號濁翁因賦 苦雨 題掩錢圖詩蘇母汪  
太夫人 題孫鍾元徵君寒劉公藏考功書及和  
韻詩卷後 徐仲光先生來揚州爲題荷山草堂  
圖 思雷伯籲親家 贈周盛際 卽事贈王築  
夫 趙子淑招飲郭比園亭同華龍眉何燮辰汪  
叔定季月賦席上果蔬及園中花草 櫻桃 蔗  
罌粟花 虞美人 蜀葵花 五月雨中汪舟  
次招同唐祖命舍人施愚山少叅劉公藏考功穆  
倩無言泚舟至紅橋各賦 七夕黃大宗招同

程穆倩張虞山趙天醉家無言飲亡友郭石公園

亭限韻二首大水後有僧能修石路問其工費云

蓋由自異縣檀越嘆是俗乃能動人如此美之以

詩三首蓄猶嘲猶題王仔園小欄川同華龍

眉高小卻注叔定作張虞山答客問有石版橋

西草堂之句鶴和馮密菴先生重至江都見

訪次來韻詠塵次王介甫韻三首寄懷李岷躬

親家四首留別楊吉公三首大風雪中頗有家人

之樂白述爲房明府懷李夫人四首枕上聞鶯

薛能題妻叔石仲昭明府小像二首紅橋觀

荷卽用爲韻同張虞山黃大宗吳仁趾作四首憶

菊二首 感道士臥病作 大風有懷周盛際 自

題松下抱琴圖 枕上 江湖 讀劉蛻集二首

讀孫樵經緯集二首 題吳山公宗文小像二首 爲

黃大宗挽郭少君二首

### 卷之四

觀新入車 余生生示所作悲哉行長篇感賦三

首題其後 端陽前一日嚴顯亭都諫招飲江都

寓宅 爲李若金題礪園種竹圖 壽宋份臣時

將應聘北上 述憂 喜雨呈趙玉圃明府 爲

郝羽吉題小像 歸來二首 日病示諸兒 留別

季希韓暨令姪端木 晚凌壽吾 舟中有懷郝



羽吉四十初度賦寄 貞燕行爲趙母劉孺人賦

登赤城山 徐幼長六十索予作歌 米客行

題馬圖求孝廉聽山堂圖 春韭 蛤蜊 凌

蔚侯書齋紅梅已謝作詩惜之索予次韻 重遊

吳門過定光寺喜與德章上人相見留寓精舍兼

擾香積賦謝 舟中暑夜 贈錢塘縣丞季孚公

二首 病後同杜于皇鄧孝威程穆倩宴集陸咸一

督學寺寓分韻得聲字并和諸君之作 和咸一

煙字 和于皇芳字 和孝威丹字 和穆倩飛

字 愁坐 次兒燕詠燕韻 附兒燕詩 讀陸

放翁詩愛其慷慨悲歎足以起諸旣復置之而嘆

吾直心如放翁面直口不如命也因作此志悲

重至淮上訪家涵中家涵中宅與張虞山趙天

醉連牀再次虞山韻黃大宗招同范仲良張

虞山馬圖求趙天醉張孟思闕百詩家姪獻于飲

止園次天醉韻坐逆風船同趙天醉作二首詠

逆風船詩後次日便遇順風寒食次高菊圃韻

錢塘章洪上相別十年矣忽過江都見訪坐良

久值子方窘甚清談而已次日有詩見贈因答之

二首酬家嘉客與十四弟寶夫自京口買舟入

吳越客組經旬無肉次東坡韻示十四弟寶夫

舟過姜堰訪黃天濤雪夜留同諸子飲秋佳館

分得燈字

題家獻于小像

二首

與張虞山趙天

醉飲丘曙戒季貞家夜歸同坐野航

三首

卽事贈

家涵中

二首

賦得春草留別淮上諸子

又賦得

春風

雨舟

黃大宗納妾揚州爲賦催粧詩

四

重宿定光寺弔惺初上人

二首

宿剡溪旅舍憶

王梅溪題壁事遂成一絕

病暑不得遊天台山

將歸買天台藤杖藥物成二絕

示天台遊人

縱筆

二首

雪中過姜堰訪黃仙裳

雪意

元

宵後雪夜飲王仔園小輞川觀燈次壁間東坡詩

韻

貧士詩

贈汪使君芾斯

告飢

贈吳銘

齒

舟進黃河

三首

賈客婦

九日梁仲林侍

郎宴集黑窰敬登高 題王金鉉明府琴趣軒二

首 怨老堂酌酒與櫟下老人歌 謁金龍四大王

廟 中秋夜舟中對月 凌蔚侯彈禽歌時蔚侯

方熟誦杜詩 贈王又陶及令姪孫德符 施匪

莪司城惠示集句全稿次東坡答孔毅父集古人

詩見贈五首韻奉贈 春寒 楊東子携具過王

仔園桐舫齋招同諸子夜坐待月 清明前宴集

魯紫漪園亭 泊舟任城同凌蔚侯遊南池 二首

東光訪王金鉉明府 四首 贈安肅梁明府木天 四

首 梁木天明府屬題拙堂 三首 爲梁木天明府題

須園 八首 登安肅城遠眺 無雪 欲雪 微雪

凌蔚候長郎八歲讀書日滿自行他日成名可  
待以老夫頗相期望因蒙示喜劇所詠社集賦  
得早花隨處發限七言近體春日宴王天葉宜  
樓看梅花將放次韻賦得春水船如天上坐  
同蔣臈天訪張虞山留飲寓館并示新詩一卷分  
得池字遇李杞瞻有贈野性贈計甫草孝  
廉京雒贈辛漱六立春後十日喜無大風  
朱二玉以去冬十一月移居余於燈節前一日  
赴飲見壁上諸友題詩始知之卽席補賦三絕  
嘲諸男謝房興公樞部惠米二首偶觀小燕出  
巢因感楊吉公無子賦寄一絕聞東坡志林因

成一絕簡醫者何東表 偶題撲滿以志蕭然  
貧劇至於無衣見客漫成一絕 夜發 聯句

卷之五

思悲翁 房衍公孝廉與予一見後朝夕不能相  
離在長安得此友尤不易也因感贈 一首 徐州獨  
無戒石不知廢自何時五兄大宗到任之初亟覓  
工刻碑將朝夕見而自省焉蔚間兄言喜其與古  
人行事有合也因援筆紀之 燕于樓 夢研歌  
爲汪季角舍人賦 再題汪舍人十二研齋歌  
送王子重下第歸里 清明觀遊女作 任明府  
捉賊歌 贈峒樵舍人 一首 贈李聖年孝廉 贈

房輿公樞部

七首

贈周星公光祿

二首

潘楚吟名

其書屋曰停帆屬題

房衍公每以治生養生相

勸因有贈

二首

京師寓中聞劉貢父中山詩話有

感

贈滕縣任明府淑源

四首

慰曾庭聞下第

彭祖井

子房山

放鶴亭

黃樓

戲馬臺

亞父塚

泰興道中

九日社集朱紉芳半舟

坐朱紉芳半舟留題

族侄斗樵登第喜而有作

二首

六月十九夜徐州署中與客同坐月下忽有

白虹見於月之西移時雨至而月明如故賦一絕

志之

愁蠍

茉莉

二首

桂樹

二首

逍遙堂有懷

二首

早睡

題圖詩

劉殷授七子經史圖

王

祐三槐圖 虞玩之卻屐圖 陶侃運甓圖 劉

凝之散錢圖 王烈感化鄉人圖 范淹義庄圖

郈成子反壁圖 楚丘先生說孟嘗君圖 龐

德公釋耕答荊州刺史圖 衛武公規箴圖 萬

石君家居圖 亂中再入滕縣贈任明府 壽周

雪客母馮太孺人六十二首 題三子聯句圖 二首

題金太守長真小像 二首 壕有水歌爲任明府作

送廷旦菴之淮安 爲冒青若題廢花朝圖

同吉公飲王天葉書齋兼觀圍棋次吉公韻 二首

王亦退入學 楊吉公招同程穆倩鄧孝威林伯

逸泛舟納涼分韻得川字今字 席允叔招同程



穆倩王九有李湯孫伏齋中 中秋同桑楚執飲

王天葉宜樓坐蕉下待月 陪任明府遊劉若水

園林留飲花下卽席賦贈 留別任明府 挽房

發公文學 二首 秋夜社集張與參宅同紀槩子黃

仙裳范汝受余來儀 得徐松之汪晉賢書兼惠

示雲山酬唱詩詩風初集賦此奉答 九日汪叔

定季角招飲兄山樓同程穆倩姜西溟徐原一

宗定九東原九日見東次韻 赴金長真太守宴

賦謝 五兄大宗重修彭祖樓有詩命和 和五

兄大宗重修燕子樓詩 二首 放鶴亭和五兄大宗

子房山祠和五兄大宗 重修黃樓詩和五兄

大宗

五十五歲自題澹堂詩集

呂尚

示大

孫舒

題禹尚基自畫小像伏獵圖

三首

題喬雪

漸小像

春木四章

新翻子夜歌

五首

後新翻

子夜歌

五首

題汪季角舍人三好圖

題程休如

小像

談長益有錐鐵漢詩烈士暮年遇物不平

故其言如此亦足悲也余乃代錐鐵漢作答詩

勉兒輩學醫

中秋夜與同幕者把杯頃刻輒已

散去獨坐書室因念古人遭際不同有感于中詩

以言懷遂多所援引是夜復作家書與諸兒詩亦

附示焉

五首

九十翁歌贈汪觀瀾先生

四首

病瘡

重陽次劉超宗韻

輓丁彼雲

二首

始買洲田

作此自嘲

題汪叔定小像

二首

示燕穀僕三子

泊舟燕子磯夜夢沈姬

二首

采石懷古

二首

風望馬當山憶王勃事有作

六月舟過小孤山

懷李珣躬親家

二首

舟中望廬山雲起

瘧不止

四首

病後林君貺惠人參兼以輕袍共我二絕奉

謝 感龍中孔雀

見調鸚鵡者有作

簡林君

貺

書齋雜詠

六首

戲簡林君貺

對燈花自嘲

示公子

寄示諸兒

自嘲

客童蒙問號

冬至有悼

總督公衙中書屋漏甚蚤起雪滿牀

凡戲成一絕

寄誠諸子詩十首 君子行 人日示小子 苦雨

雜詩四首 愧爲舉業師 示小子 望隔牆冬青

樹有懷吳質賢 寄汪舟次 問醫者宋廸公

舞瓷盤行并序 在豫章幕府求書不得而作二

得家書說還債未了 春日齋中 述夢 總

督董公署中送劉超宗歸桐城五首 病愈贈醫者

宋廸公八首 得家書 宋太祖 爲江辰六闕題

長安借書圖二首 塵鏡詞 寄吳質賢 雙節婦

詩 汪舟次赴嶺榆教諭任去後數日余始自南

昌歸抵江都不及祖餞悵然無已因賦寄懷四章

觀察金長真以丁巳八月十三日祀歐陽子於

平山堂招客賦詩予亦與焉詩限體不拘韻汪

季角舍人與令兄叔定招同程穆倩鄧孝威宗鶴

問陶季深華龍眉范汝受王仔園家無言汎舟至

平山堂登真賞樓樓有歐陽公木主與諸子展拜

既畢乃飲酒堂上各賦七言古詩一首時予初歸

自豫章幕中登覽唱和之樂二年來所未有也

余驛憲去郡三年復來攝兩淮鹽運道事和汪叔

定竹馬歌奉贈久不得徐州五兄大宗書題

凌蔚侯有懷草堂四首猛虎爲獵士所斃明日復

搜穴得其子歸獻總督公公命養之籠中大纒如

貓日思乳而號予有感焉剪燭花有感詠燈

油 新買得狐裘忽自念五十八歲人著此復得

幾年不覺楚然 題金正夏小像 二首 徐原一昆

弟四人小像合圖一卷索題 二首 自豫章歸後得

汪季月絕句八首次韻奉酬 次韻答鄧孝威 八

首 汪季月避暑平山堂之真賞樓次宗鶴問韻奉

寄 六首 蘇圃二詠 南村 鶴柴 紹鸞館 乳

魚亭 香草居 朝爽閣 浴鵑池 度香橋

響月廊 垂雲峰 六松軒 繡佛閣 施尚白

少叅招同鄧孝威毛大可汪舟次飲寓齋賦謝

贈趙考功玉峰 四首 送黃俞邵奔太孺人喪歸金

陵 送王子側歸新城 送陳六謙任安邑丞

贈李湘北學士

三首

壽李書雲都諫

二首

題菱蔚

侯小像

吳蘭次罷官後重過江都值予將北上

爲作此歌

讀夢愚堂記長歌贈施尚白使君

哭礪山楊明府吉公

二首

輓徐母顧太夫人兼呈

令子原一昆弟三太史

四首

長塗泊石佛閣遇

任淑源

夜過注舟次寓舍適鄧孝威吳天章亦

至因留飲賦詩

王欽文先生七十

三首

施尚白

少叅有惱予移寓較遠之作賦謝

送鄭方旦虞

部權稅韶州

二首

題王咸中石鵑山房

王咸中

山居與汪茗文民部爲隣見茗文留題池亭諸作

心竊慕之因有贈

二首

除夕飲吳維申舍人寓齋

二首 題洗象圖

送朱牧仲員外權稅虔州兼寄

懷易堂諸子

贈高峇巖蘇州太守

贈慕鶴鳴

中丞

閱邸報見孫公薦表滯及野老姓名將修

辭啟先成二詩

見徵入京後作

壽馮易齋相

公二首

書懷

三首

題袁重其午日負母看花圖三

首

贈張幼南廷尉兼送之歸娶

六首

再逢項脩山

學士

六首

題毛會侯明府小像

三首



澗堂續集卷之一

焦穫孫枝蔚豹人著

丙午樂府

華山畿

有序

雲陽朱叔子請予賦華山畿云是甲中勝蹟將與潘  
江如共表揚其事予鼎讀劉誠意此題樂府喜其旨  
存諷戒因而更暢之變爲短章而抑揚之詞則竝見  
焉蓋不敢忤叔子意也

莫適雲陽道莫過華山畿相逢年少女不得便同歸  
郎亦有慈母妾亦有慈母室家俱有願嫁娶何太後  
寄郎雙蔽膝期郎病速好今日聞郎信妾命應難保

有何好容顏使郎爲妾死

王西樵曰語過古而能感人

待郎華山畿

作歌妾不恥

打牛牛不動撫棺棺爲開男女幸同穴高堂身獨回

王西樵曰以高堂五字緊括前四詩意語復幽藉方是樂府

周南咏桃夭召南賦標梅客聽華山歌歌聲悲且哀

王西樵曰此喜其一起一結有法○六朝樂府如歡聞提解其旨有誤成者少矣清田意自佳第詩又非樂府不己此事故不得不推焦獲耳

附劉誠意詩

華山畿勞勞渚御葉父母恩相隨黃泉去男婚女嫁  
當及時標梅不見周南詩王風蕩蕩散荆棘惟薄日  
夕生狂癡當歌悵然有所思華山畿何足悲

丙午五言古詩

贈王幼華

鳳鳥不妄鳴黃雀常啾啾  
睨彼夸毗子同堂非我儔  
舌鋒何鋸利曾不道九州  
勢利如膠漆詩書成寇讎  
揚雄亦有口寒默苦低頭

雄曰

歸坐草玄亭吾意在千秋

周召不可作李杜有微勲

雄曰

歸坐草玄亭吾意在千秋

殊正變體難分洪音發金石  
何有蠅與蚊與政奇彩爛霞電

何有縹與纁持此場同調聊書吾所聞

王西樵曰妙在

力磨礪苟無已後世讓吾勲

張揖恭曰古調古心

時節逢寒食留滯在他鄉豈不思歸去  
其如道路長既

無與馬費因復理舟航

幼華將有豫章之行○王西樵曰十字亦有許多委折在內

溉堂續集

卷之一

二

作書與同氣栽松新塚旁啞啞反哺鳥潏潏跪乳羊哀

哉至性人對爾淚千行

王西樵曰此詩乃足當溫家敦厚四字

江離是弱草采者尚不遺駿馬成死骨千金買何爲可  
憐離與馬報德非所知我有書數卷平生辛苦詞湮沒  
亦足惜表章知是誰再拜託吾友因君常見推

題王西樵桐陰讀書圖

有序

王西樵考功少年讀書之地有堂曰十笏草堂堂前  
有三桐樹後遊宦及在西曹每憶桐樹形于吟咏揚  
州戴蒼善寫真西樵命作桐陰讀書圖書傳所作詩  
附于圖之後屬余賦之

先生瀟灑胸浩如潮與江本是宰官身長齋卽老龐習

氣獨未除默坐憶書窓成佛須慧業此意故難降題詩  
記草木殘燈影幢幢三柯與四松千古忽成雙愧死肉  
食輩終老棄鄉邦王西樵曰雖其老氣其言則非鄉人所敢言也  
畫手亦不凡曹霸見遺風貌出廊廟其肯將丘壑同奈  
何凌雲翮戢影爲傷已達人無喜慍吾道有窮通子雲  
疲執戟巨源位三公莫種掛冠樹且看棲鳳桐

程崑崙別駕生日賦詩爲壽

下牀閤簿書出門對禽魚一行作吏來筆墨未曾疎別  
乘良不惡京口山水區載酒凌雲亭便與神僊俱忍飢  
啖杞菊終稱山澤癯劇郡賴賢佐何暇慕清虛髯如髯  
元翰誰敢將君鬚將軍且敬重兵吏况區區極貴固分

內燒丹徒爲愚安得支道人相君目中珠

壽郝羽吉母沈太孺人

郝家有賢母教子苦令譽誰爲稱  
賜客無非詩禮徒我亦夙登堂拜  
跪未敢疎慙愧非房杜每來損庖厨  
被用十幅寬枕長五尺餘賢郎同臥  
起細論所讀書東隣西舍兒歌舞但  
相娛同在廣陵城判若龍與豬渠雖  
有父兄成就竟何如

王西樵曰卽此便是郝母也人定道賢教養生大乎不同處

顏若王母紅髮若麻姑絲春秋雖已多中心恒苦悲問

母何所悲但誦栢舟詩春老名吾孫

見山仲謀作吾兒

寄書與地下地下恐未知媼居世多有誰如福澤奇村

中獨宿媼倚闌望天涯嚙指空白痛游子終不歸安得

坐板輿長有綵衣隨

觀驟風雨喜懼并集而作

田家最可憐祈求亦易厭甲兵休無日此邦繁賦歛

熟麥登塲纔足了官欠

王西無日陰陽苦無準旱火光

正敵插禾一失時八口愁飢歉雨勢忽翻盆皇天勞憫

念已解蒼鵠厄免取蛇醫驗父老且高歌誰暇覓枕簟

爲農豈不好估客輕天慙風浪惡如此何用黃金豔

西王

然曰此十字書作錢銘可

舟楫能殺人劇于刀與劍安

危皆自取君無棄鍼砭

蚊嘆

聚衆斯可畏乘時誰能拒物理同人事問天天不語蛇

影偶然動蜂尾不輕舉惟有豹脚蚊夜夜恣嘅茹吳猛  
是孝子露筋亦烈女因爾成大名至今歸何所微物安  
足尤貧賤良難處淒淒百年中忍凍復愁暑

有聲異戰鼓常作利鏃觀白晝見猶少昏黑防更難我  
欲問汝罪自責還自嘆雍州地最高吾家近長安胡不  
蚤歸去卑濕愁江干豈無富貴人危樓生夜寒雙鬟立  
其旁手中持白團而我長困乏帷帳夏不完富貴雖可  
羨一朝生禍患大宅任將軍妻孥徙極邊汝政非虎狼  
嗜膚不食肝轉盼秋風起安能久撲緣

客中苦熱寄懷吳賓賢

陰陽成萬物云如炭與銅當其流燥時誰頌造化功遊



千更堪哀奔走忘西東避暑豈無地芭蕉映簾櫳舍之  
來江南揮汗糞埃中朱門與酒肉席上無野翁野翁詩  
數卷氣與冰雪同急歸且把讀煮茶聽松風先洗昏朦  
眼徐開煩悶胃何必崑崙頂赤腳拄青筇

爲周子維缺唇解嘲

符堅破漢南所喜得半人太冲能詠史瓦礫隨車輪相  
士論容姿見與婦女隣周生爾何爲照鏡自嫌嗔掩關  
間刺啄欲出還逡巡意似諱其短實非畏交親不見陸  
餘慶辨論頗足欣丁酉撫日以下反喻既妙正引又噪  
雖長三尺手却重五斤何如方處士吟聲出缺唇唇似  
月中兔手生紙上雲彼此試相較美惡判然分勸君但

努力無慙三拜身

王西樵曰大道理情狀辱發之掩開四句復妙極形容

### 寄懷任淑源

昔爾來揚州出門少逢迎賦詩嘲屠沽語氣何不平今  
爾成進士入坐衆皆驚順風吹渡江江神多世情獨有  
寂寞人無酒敘平生交如流水淡勢比浮雲輕荷爾煖  
相諒念我臥柴荆寒旣愁孟光飢復慮添丁贈金值卒  
歲辛盤亦滿盈諺曰親戚問此事古人能親戚共嘆息  
細問姓與名王西樵曰古名字何勞問筆舉頗有聲本  
自不羈人臨書牋驕矜不願學張顛願學顏真卿愧余  
老更懶點畫忘其形焉知爾所得但覺病眼明別來忽  
兩月獨坐鐵甕城楊梅暑天熟班鳩雨中鳴光陰何在

荀兄弟半飄零寄詩與任華應亦念孫登

初秋同汪叔定季月韓醉白陪丘曙戒太史汎舟  
城西遊諸園林過紅橋觀荷晚登平山堂時河水  
大漲分韻得山色有無中左首

秋水如明鏡秋荷若紅顏人爲此邦客未覺頭毛斑隋  
皇行樂處對之亦等閒悔不家西湖復欲住鍾山人願  
苦不足吾豈異趣頑丘公淮上來命掛旃忘還對酒忽  
太息浮沉京雒間可憐謝安石蒼生勞追攀他時鸚鵡  
洲引領萊蕪灣

丘將赴  
武昌任

風急船勢斜日午樓陰直歌吹亦易終蟬聲苦不息節  
序暗中催使我心悽惻閨中一老人面如陳梨色

王西  
樵曰

游覽詩入此一段非大本  
自從小來紅裙不離側養  
生有恒理荒淫非正則寧學中聖人還住衆香園流連

釋理中此樂安可極

簾捲寺橋邊舟行河漲後  
風起波鱗鱗遠

連滄江口古塚飛白鷺遊魚戲枯柳欲寫雲水姿安得

丹青手晚荷開更佳惜不盈十畝沒入銀濤中嗟嘆動

漁叟隣邑地最卑水患頻年有雷雨竟何意獨與蛟龍

厚

携妓平山堂折花邵伯湖此事亦偶然千載名難俱賢

守古所重風流世豈無請看蓮樓側往來梵王徒回視

陪天子指作一庸夫金石貴不朽歌舞何足娛努力二

三子德與昔人符羊祜登岘山悲傷良不迂

歸舟何所見明月在樓中回首法海寺烟樹漸迷濛稍  
厭箏笛喧不使鐘鼓通因思一目內哀樂意無窮偶聚  
忽已散有如雲隨風諸君皆盛年惟吾稱老翁夢想李  
八百刀圭救微躬作詩勸秉燭深愧顏飛蓬

丁酉無日因思一日內二  
語讀之令人齒齒文集

### 贈龔孝升大司馬

作客老蕪城十年三會而默如筵在口豈直厠羣彥叔  
向識醴茂一語斯稱善茅容但危坐竟蒙林宗眷我實  
愧爾君尚有詩數卷欲投還逡巡自知異衆撰  
身見七十士不肯自言勞手蒼百十兩健筆挾風濤賓

客亦不凡長陪謝與陶今我獨何爲局促守蓬蒿有時  
謁諸侯暫救飢噉噉俯仰庸人前布衣一鴻毛幸依陳  
孟公語客勿夜逃

杜老氣傲

片

謂下古人難輕服歛手對般斤愁眉和郢

曲紀生才敏捷

謂伯

妙語兼尺牘久坐李膺舟遠憶愚

公谷賤子曰無能考槃常三復於公何所求願公念白  
屋身如千尺松蔭此澗中竹

丙午七言古詩

渡江行二首

大風三日浪如山行人佇立皆愁顏忍飢寧甘琴史間  
兒啼女號亦等閒江南無路尋芳草枉說故人重交道

獨望隣園最高樹微風不動春禽聚江神念我多憂怖  
蛟龍遠遁鏡中路主人縱不是平原飽看山色忘朝飧  
京口過方爾止

去年賦詩平山下今年飲酒鐵甌城湖海飄零成二老  
相逢漸覺少弟兄君情雖白氣猶壯樓上吟詩樓下驚

王西樵曰七字寫出漸壯勝杜公行歌行贈四兄俄與吳潛樓下臥也醫學旁搜未肯已

六書辨論何其精將訪故人適闕與無錢買刀那得行

我有山田未歸去歲辦和脫借人耕苦吟空滿二千首

一字未可示公卿已愁嫁女復婚男夢中五獄徒崢嶸

昨日讀君生女詩香山東野同傷情有兒失學亦堪慮

古來哀怨何時平

王西樵曰余有紀陶公詩其室人獨風雨何會抵散處并伯五兄牕紙

筆道通誰得此翁如與不如置此且痛飲春風千樹黃  
鵲鳴萬歲樓邊雨初歇坐對長江如練橫

陸思山曰不能名  
是外口噴奈何

呂生招飲城南酒家同方爾止陳延喜楊襟海

客心何所願看花日日騎青驄願得美酒如蘭陵願得  
手人勝扶風願得嘉魚如丙穴此外萬事聽蒼穹城南  
酒家杏正紅六代江山在眼中橋邊樹樹間黃鳥使我  
悠然憶戴公戴公不可見疑無陳老襟期與相同念山  
可惜病喉隴王西樵曰爲念山  
五何字字入神當其朗誦杜陵作往往  
能令衆耳聰頻斟冷酒誦本草此意尤足駭愚蒙王西  
樵曰  
此十四揚言薄宦今飄蓬勸汝休忘塞上翁得失偶然



何足道請看三分霸業已成空只今惟聞簫築之聲來

關東呂生愛客意無窮

上西無日始出主人

唱歌但恨少玲瓏美

女雖言好不如年少之妓童

錢刀雖有用不如意氣結

豪雄

王西無日川樂府調作頓挫

君言慷慨既如此客身兼是可憐

蟲明日仍期出南郭只愁花落雨濛濛

上西無日種種神妙謂嘆不盡是太自絕頂得憶之作

磨筭山下酒家同力爾止談長益陳其年何雍南

程千一小飲作歌

前月出城來桃花尚含蕊今日出城來桃花紛已落酒  
旗處處颺春風好向誰家弄杯杓悠然行過板橋西  
嘹簫聲頗不惡楊柳千條絲更長鰲魚一尺味如昨舉

頭忽見磨笄山土石磽瘠苔蘚斑聞有好女曾居此與  
翁名字留人間吁嗟乎焦公與戴女高趣竝難攀吾徒  
未免事千謁八口累人何日閒惟有偷閒且痛飲劉伶  
王績亦高品雄談不顧四坐驚主人誰似何與程

于西無日爭跳過而斬枝○陳其年曰氣體雄健  
一往淋漓前于東川放于嘉州固知此老不可及

贈周建西

京口周生家四壁門前只有陳平蕭獨把一經勤授徒  
那能斗酒輕留客江上櫻桃花亂開與我相逢如夙昔  
念我病渴需蘿峴知我性癖耽書籍邀過茶肆每清談  
許借牙籤復不惜山谷先生詩最奇味如蠶黃及熊白  
往年訪舊入金陵走徧坊間難得今朝乍見老眼明

却笑時賢吟腸窄且當共賞學陶公一鵬安足酬厚德  
君才敏捷况妙年此道還須富裾據請看獵山漁海人  
蝦蟇鵲鷺口皆適鼠鬚多買諸葛家磨煤廣收延珪宅  
古來讀書貴抄寫近世殺青復何益老夫只今冀已曙  
但悔光陰成浪擲不得軒窗伴燈火日向州郡謁侯伯  
勸君不覺言詞繁對君惟有顏面赤

王西樵曰活現流花老子具拓人心胃及下針砭  
讀者宜細玩之如今朝士見老眼明却後時賢吟腸  
窄以此道還須富那堪在  
來讀書貴抄寫等句是也

程崑崙招飲城南園林同僉山長益許士雍南千

野桃已盡戴公山老竹難尋劉氏宅  
滿路兒童說使君

新借潘園宴詞客雲如壁絮雨初晴經過酒樓多笑聲

西郭至今猶列堠南郊不絕聞搗箏

王西樵曰景雨亦絕不同時手

何

以得此兵戈後將軍最與使君厚健兒不敢打入門況  
敢摧殘橋上柳未入圍屏心已開野原浩蕩春光催麥  
苗刺眼禽聒耳前有鴻鶴山崔嵬未必習池如此處山  
翁不可輕歸去吟詩雖是淡生活欲使千秋作憑據烹  
鱉膾魚何太精足知饔子費經營已貪酒似徐元用况  
逢厨類王方平客半飄零我白髮聚散人生多恍惚來  
朝更携李暮輩同泛大江看明月

憶兒行贈韓叔夜

西子湖中荷正香與君相遇色淒涼月華山畔牡丹開

君復對之惹徘徊徘徊胡爲爾頭毛白如此爲言罷官  
亦尋嘗所恨未卽歸田里朝見雉將雛飛飛得自如奈  
何爲父常客居幕聞燕尋窩黃口語偏多苦憶吾兒復  
奈何別時兒猶在襁負今聞能上鞦韆樹舊栽松菊尚  
關情何況骨肉缺歡聚君不見泚堂平生未作官只今  
常歌行路難妾病臥床無藥餌兒飢對客索盤餐咫尺  
江都但引領怯聞家信增愁嘆出處亂餘無一可奔走  
豈關吾計左江山佳處且扶筇若待重遊恐不果良朋  
盛會無幾日相尋那許更懶嬌生子賢愚命所爲莫言  
歸去傳經遲

王西樵曰卽助公所  
云天運苟如此也

贈周翁鏡夫

我因多怒傷左眼

王西樵曰起老

自恨平生學道晚未空聞見

效禪僧何異膏肓負倉扁先生老矣何所喚無數門前

種杏人有子況爲名下士小時便認石麒麟造物要試

神醫手運針名重運斤後不妨賣藥老韓康化爲窮瞎

張文昌世事難料皆如此重見青天殊可喜聽仍用耳

視用目從今免詫亢倉子轉增疑惑問郎君奇方妙技

頗紛紛丘明幾譬竟難療杜陵半耳終無聞我聞天道

有酬酢莫但歸功王彥若先生手活千萬人何患眼冬

一重膜慙愧吾徒雕腎肝安知素問與金丹只應且洗

龍井水免使將朱當碧看

題睦孝廉傳後

孝廉諱明水字嵩年華亭秋諭州儒貢家爲立傳

鄭虔不死芸香閣反覆歸朝名已惡王維淚灑凝碧池  
微官得罪亦何辭孰似丹陽賈明永衣冠不敢辱周孔  
惜哉奇計滿腹中未得蚤獻明光宮老作廣文遭禍亂  
烽火光中弟子散事後誰爲慟哭人惟有溪山老逸民

上西樵山  
意足下老

### 道院乳燕

雷雨欲作蟲亂飛乳燕喃喃若訴飢燕巢幸不寄吳宮  
持竿相向愁兒童翅軟力微母所憐口似罵童身近前  
啣虫只遶屋簷邊偶然遠去急來旋辛勤不止哺其口  
出入顧復無不有見此使我嗟嘆久爲人奈何忘父母  
江湖漂泊髮垂素蚤歸多種墳前樹黃冠若能聽我言

悔不家中報母恩

道院看牡丹

百花狼籍隨東風牡丹開落獨不同也如糠粃常在前  
乍看富貴羞貧窮玉環合侍蓬萊殿婕妤須住昭陽宮  
誰將姚魏當時種荒涼移植道院中道士豈應被花惱  
有田且去熟梨棗空山樓觀客來稀却愛詩人作潦倒  
我今止飲但啜茶對花始覺容顏槁妙術若能致麴生  
何妨醉面仰晴昊明朝風雨打松軒更仗奇香爲返魂  
不見鶴林殷七七杜鵑頃刻照金樽

次贈周建西韻賀介姪子常生第三子哲子常見  
借歐陽全集



兒啼忽出隣人壁

王西昌日記

吉夢夜來傳枕席又識

徐卿第二雛初作陳家湯餅客

溫嶠姓名敢相比叔夜

交遊本平昔幾番欲作沈兒詩還向樓頭借書籍欲識

掌珠可愛玩應與卷軸竝珍惜溪山猛虎夜生兒歐陽

句好如太白我才編淺無佳思直寫歐詩計頗得頗君

名比梅聖俞不願家如梅窘窄願君三子名位齊讀書

莫只恃陰德鳳凰差與鷄爲羣背紫視同芥易撼老夫

他日見懷祖肯學羲之情不適扁舟來往三山下便向

路人問大宅江都咫尺是吾家有兒亦可迎三益作歌

若記姓孫人貧交那忍輕棄擲平生頗笑王孺仲不及

杜甫老詩伯滕下男兒恥見人長令面似初荷赤

王西樵曰前輩  
風流人家手筆

雨中鳩

日出東南隅。班鳩呼其妻。抱雛桑樹裏。求食麥田畦。一朝風雨至。但聞婦怒啼。汝聲何聒聒。汝心徒淒淒。得配。有如此生子。各東西。萬物遭遇苦難齊。不如嫁鷄。常逐鷄。對此誰能不厭惡。況我飄零還道路。正憶閨中結髮人。面無膏沐。身裙布。勤責嬌兒早自立。深憐小婦恥相妬。別時執手問歸期。窓前雨打芭蕉樹。何年偕老故山中。我學種瓜爾織屨。

張謂恭曰。以本題爲此。與中引出本意。則賦也。無古無今。亦風亦雅。空同所闢。真詩者。其此乎。

登妙高堂

卜年三作登臺客只似磨牛踏陳跡欲問山僧乞衲衣  
妻兒久餓塵中宅紛紛萬事夢邯鄲惟有賢名永不刊  
佛印蘓公在何處高臺未入雍門彈

寄懷家無言吳爾世

韓愈何堅是同姓交情畧見序文中十年曾覺故人好  
千秋惟嘆語言工我今識君年更久飄零同作江邊叟  
君家白嶽我終南異地相逢應不偶爲文曾記送君還  
若見韓公負赧顏只似老農說耕稼那能徙筆凌江山  
文之美惡吾自悉君復索詩限時日蛙聲瘖痂性所耽  
君豈真有古人疾看君處世百無求胡不高臥元龍樓  
身後之名一杯酒二者畢竟孰爲優人言萬戶侯不如

韓荆州四海皆兄弟頗勝司馬牛何怪吾宗終日疲應  
接門前車馬如水流閒時便造吳郎宅吳郎也復多賓  
客結交須結陳孟公作客須客臯伯通吳郎愛君兼愛  
我疎懶何期蒙許可祭詩常憐賈島貧讀書分與庾衡  
火更無可與助似世上紛紛媚爵位嗜好無乃與時左  
平原公子未爲賢樓頭美人笑人跋兩君相知天下稀  
恨我經年別釣磯閒首竹西談笑處登高惟見白雲飛  
人生自古不滿百光陰一去難再歸梁間乳燕成飛燕  
身上生衣損熟衣別離若使長如此翻悔從前識面非  
對小柏樹有感

堂前小栢樹亦逢天寒色不失其長纔二尺不如種杏

早結實惜君如嬰兒自笑是老翁老翁處世日苦短嬰

兒方在懷抱中

王西樵曰此等短古正難如此老

雒陽行贈汪舟次

雒陽處處春風好桃李滿街人不掃小婦輕車盛七香  
王孫駿馬飾千鈿引錐刺股夜不眠蘓君辛苦何爲然  
明朝金印歸鄉里驚倒三河俠少年

送張哲之先生還里

我欲奏朱絃朱絃古淡無人聽流落江干二十載眼看  
江水涕幾零老大空思舊師友少年相見羞開口蘓家  
兄弟遇歐陽此樂人生真不偶先生何處來正逢邦上  
木蓮開乍看形容瘦兼病重扶拄杖驚且哀爲言行李

滯錢塘可憐吾道輕糶糠豈無門下士公然相視如路  
旁行路之難今如此報恩不及游俠子況子爵也守廷  
蒿儒冠飢餓其常耳吾家仲氏宰屯留亦逢伯樂稱驂  
騑先生衰病不須慮邑中藥物尚可求但恨別離何太  
易明朝相送上歸舟斜陽獨立蓼花岸寒風颯颯吹白  
頭東晉恭日處處見厚道非木乎性  
情而徒求工於字句終不合拍

西湖三舟圖王西樵司勛屬題兼呈宋荔裳觀察  
楊執玉太常

范蠡五湖去無迹張融羣船住亦得丈夫去住任吾意  
肯學庸人守四壁浩蕩乾坤內何處是吾宅但逢好景  
且留連况有良朋慰望道者不見三舟蕩漾湖心裏口

出租錢送舟子大笑有時類士龍留滯偶然同太史酒  
酣涕下何所陳似說吾身今不死飛鴻已脫罟羅災彩  
鳳無心阿閣止莫言憤憤是天公賜汝青山與綠水西  
湖風景吾懶述陳鄧諸君詩頗悉其年孝威諸山東王  
宋兩俊人與我一見成親睨宋公風雅傳海宇落筆往  
往跨徐庾名德空與峴山俱飄零重聽湖亭雨司勳才  
藻足相敵我更識公好肺腑官爵功名不介懷陳遵差  
樂張竦苦當時居位且如此何況閒身對漁父太常丰  
姿吾未覩無愧兩賢長爲伍作歌題畫一嗟吁朝士豈  
合伴陽晁

送江舟次讀書攝山

著書合在深山裏此邦人事太稠疊汪生才大吾所畏  
尋嘗頗復疲應接剝啄終朝惱四隣書札經旬愁滿篋  
忽然別我入攝山霜華滿地堆黃葉樓霞古寺攝山中  
老僧種樹成虬龍藥草青青遍崖谷無人採掇雜蒿蓬  
江總殘碑尚可讀虎頭遺蹟實難逢却眺秦皇渡江處  
攝湖獨有打魚翁此時句好須人和恐向林邊成悶坐  
僮閒且汲乳泉清窻小翻驚松鼠大何錯讀書常達旦  
高人誰道能高臥暮鼓晨鐘有時歇罷寢忘食亦太過  
如余廢學却堪嗟流落塵中鬢已華兒女嗷嗷聲滿耳  
入夜先防觸睡蛇夢踏江南山水窟醒來屋角有紅霞  
衣食何時都不慮古洞閒緇三十車



丙午五言律詩

陪湖州守吳藺次遊竹林寺歸飲鶴林寺同談長  
益方爾止吳仁趾

載酒尋修竹題詩憶杜鵑樵人不相避方覺使君賢樓  
迥江仍見山深塚尚傳米元章墓近鶴林歡場易分手車馬重  
流連

飲米元章墓樹下同長益爾止仁趾

今朝小寒食繁榮落櫻桃拜石人何在看碑思共勞春  
風滿羅綺山路下旌旄是日吳使君同游先歸未識黃泉下逢誰

酒興豪

張牧公特渡江別余歸里

白浪春風裏清樽鐵甕邊  
呂安千里駕何似渡江船  
野老誰相念新詩大可傳  
名山須努力游俠勿徒然  
連床聞客夢昨夜傍慈闈  
園送新生笋燈明舊斷機  
海風吹別淚江霧撲征衣  
那得平山下看君上馬歸

初秋同家無言查二瞻陪王西樵考功出郭納涼  
放船至法海寺遇雨不得登平山

觸熱愁爲客開樽始放船  
幽懷厭城郭暑氣散林泉  
秋有仍飛蝶塘餘未采蓮  
浴童兼洗馬聲亂畫橋邊

風雨君何往躋攀客不能  
無煩揮白羽有負拄青藤  
古院看新竹空房問老僧  
懷人一悵望作記舊時曾

寺壁有王

陪諸公宴集郭北園林分得西字長字

邑人傳宴會名士半羈栖  
漫北游金谷真成在竹西  
當筵山木落背客水禽啼  
悅此能無詠先防醉似泥

那能同卜宅且復暫携觴  
日落琵琶處樓高葭菼齊

憐人窮窵自怨老顛狂  
別後論交地回看道路長

時寒北土曹頤庵太史上西樵司  
觀寒將渡江余亦有屯留之行

秋興八首次王雪洲太史韻

今秋辭道路近枕少江聲  
酒學柴桑止詩嫌東野鳴  
聊看嬌女戲暫適老人情  
安得蓬門內彈琴送此生  
老來習勤敏交不絕  
山濤慮禍心初細  
謀生智未高  
寒潭明似鏡  
霜葉剪如刀  
病婦頻相囑  
君無典敝袍

草堂清渭北，螢火亂秋宵。  
讀有殘書在，歸看舊路遙。  
少年談射獵，壯士擁金貂。  
豈料頭空白，飄零近海潮。  
秋到雷塘草，蟲鳴野蔓深。  
六官稱蕩子，萬古助哀吟。  
賦昭明手功，勲謝傅心。  
不應歌舞地，長使少知音。

已見黃花放，重聞白鴈來。  
應劉俱不在，樽酒向誰開。  
尚留三絕詩，應續八哀詩。  
寄游賞處，獨自首頻回。

惜舊遊

道生號山明

有田歸未遂，教子讀幽風。  
農父頭毛白，秋塲顆粒紅。  
授衣寒露後，剝棗夕陽中。

注冊次日五字  
抵一幅川家樂

不怪塈頭雀，輕

啻萬里鴻。

家書來九月，淒絕弟兄心。  
獨鴈當樓迥，雙魚出水深。  
貧

須甘薄俸老只愛長吟何日金華路初平有客尋  
楚客詩相示吟當菊作花偶辭天馬路似戀野僧家  
高天讀倦能無睡吾衰已倍加悲秋看宋玉真欲妬才  
華

宋荔裳觀察王西樵司勳招同程穆倩宗定九沈  
方鄴泛舟紅橋遇大風起移飲程園分韻

出城山在眼風起亂垂楊舟重迷前浦盃寒借小堂吟  
詩菊花下携客鷺鷥旁螢苑今何處漁歌隔岸長  
天伏文章伯身行水竹居他鄉同把酒二老暫觀魚綠  
恐苔痕破紅憐木末舒歡娛逢勝地景物記冬初

丙午七言律詩

新歲寄懷王季鴻遊浙中

泉水他時照鬢髭參寥六一肯忘吾參寥六一皆泉名高歌又

見朵人至澹抹休令越女孤越女謂西子何寺逢僧飯香積

誰家邀客飲屠蘊崔盧李鄭雖名族得及朱陳相見無

李鴻鍾家為浙中巡撫御史聞方許客難至親亦罕得通詞

送吳蘭次守湖州

黃金印璽照青春紫鞵驕駟問白蘋王謝皆爲州太守

齊梁能得幾詩人書生燃荻塘應在漁父披蓑曲最新

到日桃花帶流水高才爭欲識吳均

煙水江南愛五湖客帆容易落新蒲吾宗莘老成前代

何處簪村容酒徒竹馬莫遲童子約釣船寧少鱖魚沽

平生未羨朱轡貴羨爾將身入畫圖

湖州守吳茵次招同諸子雨中泛舟山下

數里微茫辨紫巒何妨高興發清瀾  
布衣湖海論心早  
皂蓋兒童拍手看  
酒送山樓防路滑  
燭明煙雨覺春寒  
濕鴉啼亂隋朝樹懷古詩成更不難

未覺清談讓管絃  
誰愁細雨濕回船  
紅橋便接雷塘路

錦纜徐行二月天  
韋曲家遙詩興在  
歐陽官好酒人憐

焚香况對丹青手  
亟寫煙縑未醉前

查一  
贈江  
洪若  
善書

贈羅公倬

失明已久  
子舞  
造訪  
聊留  
飲

一榻蕭然未覺貧  
盤餐草草喜留賓  
有兒能讀左丘傳  
閉戶長閒張籍身  
背地輸心天下少  
爲雲翻手古來頻

先生相對不相見却勝紛紛識面人

同方爾止吳仁趾陪吳蘭次登多景樓時蘭次赴

湖州任

出城送客共躋攀萬里煙雲杳靄間天下江山如此少  
古來冠蓋幾人閒潮頭日午添帆影樓角風微散酒顏  
五馬臨行重回首故知魚鳥最相關

汪冊次曰  
可謂豪雋

登樓天氣屬青春如練江光發興新渺渺風帆疑未動  
悠悠浴鷺故相親老僧尚說三分主名士何殊六代人  
若向碑間搜古蹟顏蘓題滿雪溪濱

飲城南酒家同談長益方爾止張季昭何雍南程

千一



景物愁逢寒食節，交游幸滿大江濱。  
客如四皓頭皆白，地似新豐酒最醇。  
紅杏風前仍綴樹，黃沙戰後不生塵。  
繁華惟有南郊外，落日歸途半醉人。

清明日同方爾止陳其年飲程崑崙署中

登筵白髮愧飄蓬，遶署青山似畫中。  
百五日逢天氣好，

十千酒遣旅愁空。張公洞口抄書客，  
其年將刻桃葉津

頭說字翁。  
是日爾止請不爲使君儒雅劇，何繇共對燭

花紅。

輓何西旨

長齋素佛臨終時香氣滿身

博沙釋手別交親，簪菊花香散滿身。  
本是鏡空堂上客，休悲薤露曲中人。  
放魚說法僧猶在，射鴈鳴弓俗可嗔。

一自江湖流戰血祇應齋鼓美吾唇

黃鵠山懷古

高風異代邈難攀欲訪遺踪僧掩關鼓吹誰喧黃鵠外  
琴書獨抱竹林間幽居名士紛迎送野服諸王共往還  
宋王當時原好事東巡須宴戴公山

寄五兄大宗

太宗家兄宰屯留遣使附輶利賜諸兄膏火之資廉  
愛相兼可云難事計弟兄相別以來忽忽六年蓋不  
知余貧賤之狀過於往昔且鬚髮白盡老態種種也  
因寄呈三首多書此感八口爲累不能違省手足把  
筆之頃不覺泫然

友于心事托雙魚官舍看雲臥起徐春處遠分一斗粟  
閒時珍重萬金書夜燈免罄止隣春非聊辭庾氏疏  
弟勸兄酬仍未得持樽不覺淚漣如

南遊不爲愛江光欲省連枝道路長防老可憐無藥裹  
能窮漸信是詩囊子孫頻歲多生女下孫有六女初起  
何時問牧羊並坐讀書成往事怕看銅狄助淒涼

王西樵曰未  
是老人語

經年乞食走塵埃蕭索形神暮景催聞蟻當牛雖不思  
看朱成碧蚤堪哀益今年眼暗矣隨君那及雙鳬好憶弟初煩  
一犬來他日對床聽夜雨應憐衰白廢啣盃

丙午七言絕句

題程飛濤小像

醉君家倚碧梧丰姿瀟灑實難圖春風最有彈琴興

豎子繙書曾見無

國中主人抱琴童子繙書

經旬不見足相思總角能文坐客知身合長安騎白馬

溪邊那是抱琴時

盛年易去如東流書手相逢意每愁野老惟貪抱酒甕

不然射獵西山頭

寓京口城隍廟作

四山迴合廟門開垂老天涯客思衰不寐中宵聞犬吠

祇疑窮鬼去還來

江上送陳其年之雒舉爲題九青小史像

草草啣杯鐵甕城有人相待鉢池行目下強有鉢池  
九尚日家歌兒也  
河鮑游蛤味初美只怪陳韓太瘦生  
花飛廟口柳垂汀江上逢人說九青咫尺如皋難得到  
船窗愁坐雨冥冥

重遊潤州紀感

甲第連雲擁翠娥揮毫昔日此經過大旗下是將軍宅  
可識庭梅歲月多第宅猶存王人已非現  
自爲生客能無泯然

戴公園館最芳菲談老看花願竟違園爲長  
舊宅吹入春風  
多馬沾人屐齒撲人衣

酒肆春風愛聽歌遊人相見奈愁何日斜  
簪篸聲初起  
丁卯橋邊不敢過

誰家開宴倒金樽者舊惟餘一二存已是半生曾九死  
勸人拚命喫河豚

何處關情獨野翁蓮花洞口落梅風尋山看屐春無伴  
白晝長眠道院中

無恙青山似畫圖依然紅杏酒家爐春城昔日冶遊子  
出得門來畏索逋

記得雙柑共聽鶯諸何兄弟最相知

昔者何甲源家  
余屢荷招尋

大

旗搖動春風後尊貴多應是馬醫

一輩豪華何太癡黃金費盡買歌兒如今走向營中去

倚勢新驕養馬廐

重上焦山對落暉春江尚有白鷗飛王陳地下遙相望

却羨秦中老布衣

聞城頭吹海螺聲感賦

二月江南草色多  
長江滾滾異洮河  
海螺吹下行人淚  
未識聞笳更若何

題龔山詩卷首

看似尋常最奇崛  
成如容易却艱辛  
龔山詩合荆公語  
輕薄何勞哂古人

賒書

眼昏頭白滯江關  
把卷能消永日閒  
小戶酒錢長可省  
隣坊書債定須還

從招隱山至八公巖過僧舍留題二絕同方爾止

王幼華

下馬松林伴客行，閒尋古蹟到柴荆。老僧不住金山寺，

僧在金山十年前

怕見風波眼底生。

清泉白石可爲隣，誰道神僊勝隱淪。此地戴顓存姓字，八公畢竟是何人。

遊焦山同爾止幼華

風起中流浪打船，秦人失色海雲邊。也知賦命原窮薄，

東坡遊焦山詩風

尚欲西歸太華眠。

王鼎次曰唐人絕句中有數之作案

命窮薄輕江潭

尚欲西歸太華眠

王鼎次曰唐人絕句中有數之作案

之曰數百年無此作矣其見賞如此

鑽石先生蹟尚留，塵中老嫗始知羞。蓬萊隔水迢迢甚，

四十餘年到上頭。

志稱明末生以木鐃鑽石四十七年得道



閣外風帆入杳冥  
絳桃初落嫩篴青  
書生只是貪文字  
爭摸華陽瘞鶴銘

沿江村舍最蕭然  
列砦連屯近海邊  
尚剩山田三十畝  
不曾去當洲田

飯客伊蒲謝比丘  
王生臨別思悠悠  
明朝獨上吳船去  
回首僊蹤卽舊遊

焦孝然

除却蝸廬未有他  
雪深三尺奈君何  
既然不應伐吳閭  
多事還吟祝鮀歌

郭景純

京房管輅術雖神  
難比弘農抗賊身  
已恨千秋少良史

還憐一賦動詞人

題郭景純墓

定數前知不可禳  
形家祖述是青囊  
豈陽去此無多路  
何不相依母塚旁  
曾將災異草封章  
志與三閭並可傷  
未必此中肯埋骨  
故將京口作沅湘

杜鵑樓

節使當年此宴賓  
秋深爛熳似三春  
樓前共指看花地  
市上休輕賣藥人

雍南千一邀過茶舍題二絕於壁上

病渴相如未有錢  
蕭條客舍晝長眠  
不逢連壁來呼起

正夢揚州第五泉

小戶生疎是酒家病貧難喻味偏餘生已斷功名分  
誰賜頭綱八餅茶

贈術士

已是江湖憔悴人休誇宿斗值生辰東坡夢識臨終日  
特訪虔州謝晉臣

爲周星公翰林題像

蝦菜船歸自五湖重瞻風度在江都春秋三十詩千首  
絕勝蹉跎高達夫

科頭箕坐類山家無那蒼生屬望賒四首曾聞鈴索處  
玉堂和伴紫薇花

題錢虞山先生與爾止手書卷後

風雨蕭蕭話所思，知音將老失鍾期。  
頻看尺素明燈下，傾倒長如對面時。

因師好問序中州，遺事蒐羅盡始休。  
妄學東坡笑文選，諸君輕薄劇堪羞。

雙鯉魚傳字數行，荔支紅酒待君嘗。  
爲求鐵矢醫龍藥，先送藍田種玉方。

後二首皆書中所遺事

雍南千一邀飲西郊酒家送牧公歸臨洮

城西依舊好風光，山下多年是戰場。  
駿馬並行如岳湛，

名花真見勝熙昌。

徐熙畫牡丹，  
趙鳳館牡丹盛開。

粗豪年少解春衣，酒罷彈箏對落暉。  
那識我曹情最苦，

送春時節送人歸

束裝何事太匆匆，不惜青山離眼中。  
留客古來惟兩物，鵝夷檣與石尤風。

江深不及主人情，山好強如客上行。  
無數枝間求友鳥，何曾中有勸歸聲。

潤州新竹枝歌

到口酸甜各自知，今來古往不同時。  
爲君請唱江南曲，莫去重聽舊竹枝。

黃鶴黃似女兒裙，杜鵑紅似女兒唇。  
青樓半入將軍宅，

怪底女兒不嫁人。

城外有戴女唐筍山

月明初出似簾鉤，挂在巍巍萬歲樓。  
北人上樓歌一曲，

南人對月淚長流

莫誇江上打魚郎莫羨山中豆豉香抗賊至今稱郭璞  
用兵從古數蘄王

登高望遠苦相思人隔天涯那得知辜負江南好風景  
杜鵑開落不多時

勸君休作田舍郎年年得米納官倉江魚出網長三尺  
換酒歸來滿屋香

陰雨江南四季多班鳩有婦不同窠妾身豈是因郎逐  
流落他鄉可奈何

送方爾止還白下

六月扁舟暑氣煩衰年只合臥丘園辛勤莫負閨中意

愁爾入門還出門

時聞將之閩粵

羣賢惜別恨匆匆獨勸君歸意不同程曉免教嘲熱客  
陶潛好去臥涼風

列僊詩

棗大如瓜東海濱年年賣藥踏紅塵  
那識安期是異人  
別却蓬萊體漸癯自將功行奏清都  
松脂鍊作囊中藥  
新向山前救趙瞿

五雲深處一書生曾服萬蒲眼最明日讀萬言真自樂  
無心調戲董雙成

東華童子捧瑤箋青鳥御書送地僊陰馬至今尚微服

丹成何不早昇天

鶴舞鸞歌桂樹幽  
銀河碧海遶窓流  
酒星勸酒才微醉

年少新來賦玉樓

偶爾乘雲別玉池  
俗人相對不相知  
八公化作童男子

邦笑淮南屈膝遲

丁未五言古詩

贈李滄葦侍御

舊遊高陽里

周荀氏人龍事

今登李膺堂  
一見荷綢繆  
溫若向

春陽曾聞居位日  
日吻含冰霜  
宰相且失色  
狐鼠皆走

藏賢者真不測  
古道焉敢忘  
其德能抗疏  
讀者生激昂

區區雕蟲技  
母效子雲相



骨鯁竇侍御本是鳳之雛却羨老萊子綵服趨庭除公  
因省覲歸與竇情無殊菽水雖云樂鼎養復何如況公  
秉異姿養親兼讀書遺恨在秦火手自較魯魚鷄鳴燈  
未滅何其過勤劬愛日與惜陰真不負閒居

陪季滄葦侍御同令弟希韓過長生庵浴室頂

李三友亦至因其述其先人捨宅事賦二詩紀之

作客如苦李當塗顧我誰賢哉季侍御日日相招携並

轡出高門翻畏路人窺何來白髮翁不異幽并兒衆僧

迎下馬竹徑頗逶迤王幼華曰善用樂府法此爲真在伊蒲饌已備浴

室潔如斯贊公白甌中光明不足奇便同安國寺長留

沐浴詩我是四方人塵垢竊自唄徘徊定水邊洗滌恐

无

不宜佛性無南北他鄉常苦悲聞鐘發慚愧同遊應未

知王幼華曰一結如開蓬籠

未識孝廉公令名聞鄉里捨宅爲祇園遺愛到佛子事  
與王珣同功堪五張比欲知八十叔回頭一瞬耳奈何  
世上人占奪苦不止一亭破千家哭聲降屋裏不見維  
陽城名園竟存幾李生述祖德使我歛衽起種秫常得  
酒潄井常得水福慧傳後人食報寧有誤

喜得與王豐垣爲隣次淵明移居二首韻

千金難買隣百金可買宅欲拈書籍賣匪止一朝夕問  
訊何將軍何煩報書役耶君況能詩恨不常接席今春  
忽相依事無慚古昔樵家但可爰隔牆聞斧析

處世既無益陶情聊賦詩如何諸少年戲弄頗愜之見  
子溫恭度去輒使人思有作謬用賞頗異遙贊時垂老  
滯他鄉卜隣始在茲且勤書衡讀應免李陽欺

社屯留侯家兄大宗道中作

吾年四十八被人呼作翁未老鬢全白吟詩惱天公復  
行道路間身與商賈同塵埃忽滿面赤地吹西風西風  
亦不惡解熱賴微功回首廣陵郭區宅如楊雄好事載  
酒來醉臥北窻中但少同氣人一笑開心何步岡兄在  
望何須泣途窮預恐相見處衰顏驚兒童

五兄署中送侄佳庚歸里

垂老厭離別况復骨肉間吾方來遠道汝復歸家山不

得偕汝去涕泗下沈瀾歸當拜祖母滿門樂且讌不見  
江上兒無乃增愁嘆吾昔同汝父春夏常閉關未知讀  
書處修竹存幾竿汝父雖作吏至今手不閒慎無效諸  
父老歌行路難蘓氏論先進賈誼策治安任能方務策論之學  
文體準前代何用離賢肝涉獵苦無益小說紛稗官火  
浣那可衣冰桃那可餐不如師幽人常免飢與寒爲學  
亦如此青春無再還叮嚀語難盡書此爲大端